

محمد سـعـفـان

واحد من الحرافيش

شعر

الطبعة الأولى – ديسمبر 2020



بطاقة الكتاب

عنوان المؤلف	واحد من الحرافيش
المؤلف	محمد سغان
التصنيف	شعر
رقم الإيداع القانوني	21492 - 2020
الترقيم الدولي	978-977-6835-39-5
رقم الإصدار الداخلي	697 الطبعة الأولى ديسمبر 2020
عدد الصفحات	98 صفحة
تصميم الغلاف	مؤسسة النيل والفرات

جميع حقوق الطبع والنشر محفوظة للمؤلف، ولا يحق لأي دار نشر طبع ونشر وتوزيع الكتاب أو ترجمته أو الاقتباس منه أو نشره على النت الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجي عبد المنعم



أسسها الشاعر ناجي عبد المنعم
حزيران 2017

رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 - 020554372901 فاكس: 020554372901

البريد الإلكتروني: nagyegy200064@gmail.com alnilwaalfourat@gmail.com

البريد الإلكتروني: alnilwaalfourat@gmail.com

المقر الرئيسي: ج.م.ع. محافظة الشرقية - العاشر من رمضان - مجاورة 13 - أمام سنتر الـ 13 - مطار 304

شكر خاص

للأديب الكبير الحاج عبد الرحمن البيجاوي
علي ما قام به من جهد في مراجعة هذا الديوان

محمد سعفران

الإهداء

إلى الرجل الذي أخذ بيدي
من سكة الشقي إلى نور العلم إلى أخي وأستاذي
المرحوم الأستاذ
صبحي عبد المحسن اليتيم

تقديم ديوان واحد من الحرافيش

.....

لعلك ايها القاريء تستعد مثلي بقراءة هذا الديوان الذي صاغه مؤلفه بحرفية
وفكر وطني وانحياز للغة العاطفة

والاحلام وما تحمل من اشجان وألام صاغها شا عرنا أ- محمد سعفان ابن مدينة
شبين الكوم بالعامة وكم شارك في الندوات الادبية ونوا دي الادب بالمحافظة
وخارجها قارئاً أهات العوام والحرافيش والكادحين ساكبا فكره حول ما يتراءى
في شوارعنا واحياننا مع رسم زهرة أمل من خلال القصائد التي ضمها ديوانه (واحد
من الحرافيش) حيث يذكرنا بالكاتب الكبير نجيب محفوظ – 1911- 2006 م –
إذ جمع فيه أكثر من 55 قصيدة ومضة مختصرة ونقرأ قوله عن الزمن الطيب

الزمن الطيب إحساس ناس

بطب طب علي كتفك

ساعة الدمة

ما تتسرب علي خدك وتودك

ساعة ما تحس بخانقة

وتضيق الدنيا في وشك

وعلي الرصيف يرسم الشاعر صورة لأوجاع الناس المطحونين والمهمشين الذين
يعانون في بلادنا حيث يعيشون علي اطراف القري والمدن بأماكن منعزلة قائلاً ..
مهمش ضايع متعوس علي عينه

في الارض جذوره
وفرو عه تتبعتر حوالينه
وتشخبط في الصورة المرسومة ف البرواز
والأرض كسر إزاز
بيخلي الخطوة بدم
والهم الراكب علي كتفه
من أول إسمه لغاية إسم الجد...
وعن حب الوطن الذي يعيش فينا ونعيش علي ارضه نشرب من نيله وننهل من
خيراته وننتفس هواءه وننعم بدفع شمسه وجلسات العصاري والسهرات القمرية
نقرأ لشاعرنا

بحبك ياوطن .
واحب الحب طارح ف السكك
واحب أشوف ضحتك
وأنت شاييل معايا الهم
وحلمنا واحد بيتلم
بيتغطي بتوب أخضر
أحب أشوفك ياوطن
يوم عن يوم تكون أكبر
ويستحضر الشاعر امجاد الماضي من فجر التاريخ وكيف عاش الفراعنة قديما
حول النيل بأثارهم وامجادهم التي حفرت في التاريخ ولا تزال تكتشف عما بعد
عام فيقول

الوردة فتحت وفرشت ف البراح
والحلم كان مرسوم عشان ترتاح
والفراغنة اتفرعنوا فيها
وقالوا مفيش موسي
يشق البحر بعصاه....
ويختم قصيدته بما يؤكد ثورته علي الارهاب الجديد قائلا...
ماحدث يتبع هواه ..
البلد بلدنا وانتوا الرعا.
ومع أن دوام الحال من المحال وطبيعة الشعوب التغير وحتى المواطن ذاته
ساعات تطرح الضحكة
من قلب الوجع
وتمد إيدها تسندك
تقطع حبال الهم
اللي كانت بتكتفك
فتخش جواك
تلاقي كام سكة توصلك
وتقديرًا للأم التي أنجبتنا وتعبت في الحمل والطلق والوضع والرضاع نقرأ للشاعر
سنين عدت يا أمي
بس بعدك ما منعش إنك جوه مني
أصلك من يوم ما حملتي همي

و دمك هو دمي
سنين عدت يا أمي
ولسة صورتك
يوم ما شوفتك
قبل ما تفتح عيوني
لسه واضحة

ويستمر الشا عر :

بس عمري ماشوفتك
إلا راضية
وكأ ن الرضا
نهر نابع جوه منك
صدقيني يا مه
أجمل شىء ورثته عنك
بيخفف عني همي
سنين عدت يا أمي

ويستمر يتكلم عن الأم :

ومهما أقول فاكر وفاكر
مش هتخلص الحكاية
انتي جوه مني للنهاية

ونختم هذه الكلمة بما قاله واحد من الحر افيش المحبين الساهرين العاشقين لتراب
امهم ووطنهم

واحد من الحرافيش
راح بمفیش
داست عليه الدنيا ف ثانية

.....

عمره ما حس ف نفسه هناه
كانت اللقمة بتقسم جوعها معاه
وبتسقيه الهم كاسات
وأم من ضيقته
طق ومات

إنه العا مل الذي ضحي بنفسه في سبيل عمله وصعقه التيار الكهربى وما أكثر
الضحايا في سبيل تحرير وتعمير مصر بلدنا حفظها الله بحفظه

.....

الاديب الكبير

عبد الرحمن البيجاوي

عضو اتحاد كتاب مصر . . نوفمبر 2020

البذرة الطيبة

البذرة ف الأرض طيبة

ف الصخر بتنتبت تفوت

فرع سنط وفرع توت

فرع فارش خيره

وفرع بيلف غيره

زي خيط العنكبوت

عا يش زي حاوي

وإليس ببدر كيما وي

و الكيماوي صنع إيد ه

بأ مر سيده

وسيده غا وي

يكون ع الأرض فرقة

كل فرقة دايسة فرقة

وكل فرد وفيه قا بيل

والد ليل

كل واحد شا يل ألف تهمة

والشهود من غير عيون

وأنا وإنت إيش نكون

لما تبقي الموجة عالية
والإيد ين متكفين
والحنين جوا نا طايب
مستني هزة يطب ساكت

إقرأوا سورة الإسراء

انشقت كلمة وطن
وبعترت المعاني
اللي كانت بتسند ظهرها
نزلت الدموع علي خدها
صحتها من حلمها
لمحت مجدها بيداري من الكسوف
مش عايز يشوف
سيف خا لد بينكسر
ولا قا در يجمع صف واحد للصلا
لما شاف الأقصي بات حزين
وصلاح الدين
بطل يروح أرض المعركة
لما داسوا عليه ف كتاب التاريخ
والصریح
إن الديابة اتمكنت
وبترسم شكل الخريطة
واحنا لسه بنقول بيانات الإدانة

والإستكانة الساكنة فينا

بتنا دينا

زيدوا حبة ف الركوع

وإشبعوا من جوع المهانة

وإطلبوا المجد ف سوق العبيد

وإملوا كل حانة

وإنسوا التا ريخ البعيد

اللي سا فر من زما ن

وتاه ف سكة الرجوع

وإعرفوا ان البكا

مش راح يفيد

حتي لو ملا بحر من الدموع

أصل الركوع

لوماكنش ف الصلا

يبقي حسرة

والمسرى

له رجال

لا ركعوا لإبليس

ولا ركعوا لكسري

وإقروا سورة الاسراء

البشر

مخلوقين بشر
من نسل آدم
وآدم من تراب
واللي خلقنا قسمها
لا حد فينا اتظلم
ولا حد اشتراك ف تقسيمها
عمرنا بالثانية
لأنقدر نأخرها
ولا نقدر نقدمها

الجرس ضرب

الجرس ضرب
الكل ما سك ورق الأسئلة
ما تلخبطوش ف المسألة
الأئلة مفيا ش صأ أوأط
إأنا ياما عملنا الأط
إأأنا النها رده
عايز اأابة مؤمنة
الأنيا عمرها ماأرأأ سوسنة
وسأأها سأة مسأنة
لا بأأصل
ولا أأصل
أير الشأى
والإأأبار فرصة شأأأة
لأأر أأأ
مأأأاش عأأأ
وأأاب ع الاسألة
أأأى النأأ سراسوب أأأ

مافيهوش عطب
لجل تجاور الحبيب
وتبعد عن حما لة الحطب
الإختبار تغيير مسار
من غير حدود من غير غضب
الغضب يعني الدمار
زي عاد زي ثمود
أنت عود
باب ربنا مفتوح
يالل بوح
العمار جوه منك
راح يجاوب ع الاسئلة
ويحل اي مسألة

الساقية بتدور

الساقية بتدور
بس ليه الزرعة ناشفة
الزرعة جت تطلع
شافت المغول
حلفت ماهي كا شفة
غطت راسها وإدارت
قلت لها المغول غارت
قالت هو أنا عامية
مش شايفة

بحبك يا وطن

بحبك يا وطن
وأحب الحب طا رح ف السكك
وأحب أشوف ضحكتك
وإنت شایل معايا الهم
وحلمنا واحد بيتلم
بيتغطي بتوب أخضر
أحب أشوفك يا وطن
يوم عن يوم تكون أكبر
أحب الحب لمة ف العصرية
أحب الحب سهرة ف القمراية
أحب الكلمة طالعة عفوية
طاهرة جوا يا
أحب الفرحة ما شية تمخطر
أحب اشوفك يا وطن
يوم عن يوم تكون أكبر

دمعة وطن

شد دمعة

من عين الوطن الحزين

يمكن نشوف النهارده

ونبطل بكا

علي مجد السنين

شد دمعة

من عين الوطن الحزين

يمكن ترق القلوب

وترجع تا ني الشعوب

شعب

بعد ما إتقسمت ملا بين

شد دمعة

من عين الوطن الحزين

يمكن نشوف

مين الحبيب ؟

والعدو مين ؟

شد دمعة

من عين الوطن الحزين

يمكن نعرف قيمتنا
ونمشي خطوة ف سكتنا
ونبطل نفر عن الفراعين
شد دمة
من عين الوطن الحزين
ويا للا نركع
ركوع الصلاة
ونزود الصلة بالدين
ونرجع خير أمة
أخرجت للعالمين

زعلانة ليه ؟!

زعلانة ليه
حد جه عندي
و ما سلمتش عليه
طول عمري
خدي ليكي أرض
وانتي دا يسة
طول وعرض
بس حبك عمره
ما قل عندي
أصل حبك عندي فرض
كنت بذرة ف أرض صالحة
وانتي بتوزعي الطرحة
ع اللي خلي الأرض بور
وان شكيت
يطلع السفيه ويقوللي غور

بتشق الليل

بتشق الليل
وتدوس فوق جسر المستحيل
وبتمشي من غير دليل
إيما نك ف قلبك يسندك
ويقرب فجر النهار
والشمس تقرب ناحيتك
تا خد ايديك للعمارة
يصحي حلمك من غفاته
يمشي ويا لك لبكره
وبكره مرسوم ف الخيال
بألف صورة وألف لون
وانت إيش تكون
غير بذرة طارحة ف الشقي
ومعشقة با لهموم
لكن هدم الستر بتلبسك
وبتسندك تقدر تقوم

بيلوموني

رغم وجود
الضحكة منزوعة الدسم
والكل شايفنها
بيلوموني
وبيقولوا اني بأزمها
مع إن الدنيا لا تلزمني ولا ألزمها
أنا عايش فيها
ورامي حمولي
ع اللي قسمها

ساعات

ساعات تطرح الضحكة
من قلب الوجع
وتمد إديها تسندك
تقطع حبال الهم
اللي كانت بتكتفك
فتخش جواك
تلاقي كام سكة توصلك
لكن إنت اخترت سكتك
فكفاية بقي
سكت السكات
وانطق كلمتك
يمكن ترفعك
وصحي الحلم
اللي انت كنت بتخدعك
وتقول دامت
مع إنه ليلا تي ف مخدعك

واخذ وضع الثبات
وما دمت را ضي بمطرحك
ليه سايب السنين تسبقك
وكل خطوة ترجعك
خليك جدع
دا الضحكة بتطرح
من قلب الوجع

أقص شعري

أقص شعري
وأكنس عليكوه السيدة
وأعيش مجذوب عند الحسين
لو كنت عارف احنا فين
أو عندي جواب للأسئلة
أنا تهت ف المسألة
وظلعت من نفسي
ورسمي بقي صورة مشخبطة
حزن وفرح
ورد وبرود
نظري اللي كان من غير حدود
مبقاش شايف سكتة.
عكازي إنكسر
واللي إنحسر جوه المحيط
مبقاش حويط
والخطر طالع من قلب حوت
ببيخ موت
ويرمي الموجة ع الشط
يغرق اللي ماشي جنب الحيطان
فماتقنعيش بالأمان
وتصعب عليا الأسئلة

الدرأوئش

يا محضرين الحضرة للء راوئش
زمن الءروشة علفف
ف كل شارع مقام
وف كل حارة ولف
المولد كبفر
فا بشرة الءراوئش
اللفة راكب حصانه
سلطان زمانه
والمرفءفن فنا ففش
الشمع حوالفن مقام الولف
والكل طالب مءء
والمءء من ففر الاله
ما فففش

النبت الأخضر

أه لو إتكسرت ضحككتك
وسكنت الدمعة علي خدك
ولقيت الحلم اللي كان قدك
كبر عليك
وبيعا نذك
سا عتها تخش جواك
تدور علي نفسك
تجمع حروف اسمك
يمكن تعيد رسمك
وتخش بروازك
وإعزازك
يرجع يمشي قدامك
ويبقى خدامك
والحلم يرجع لك
يكبر..وانت كما ن تكبر
عشان النبت اللي جواك
فالأصل كان أخضر

براويز الألم

كسر براويز الألم
وإمسك قلم
إكتب كل المعاني الطيبة
إعملها توب ستر
يلبس ف بكره ويستره
إبدأ طريقك من أوله
إقلع هدم الهموم
وعوم
علي موجة أمل
و العمل
لو كان بإيدك يرفعك
ويطلعك

أرض الطيبين

مد ايدك .
إقطع حبال الضلعة
م الليل الحزين
وافتح طريق للقمر
خليه ينزل شعاعه
علي أرض الطيبين
وإنده لبكره
وإمسح دموعك
أصل نور الشمس
مايشو فوش حزين
وإحضن باً لحب أرضك
دا أرضك دا يما
تطرح حنين

أنا إبنك

ما تزعلش مني
ولا تاخدي علي خاطرك
أنا مهما اتكويت منك
أرجع اترمي ف حضنك
أنا إبنك

أنا إبنك وانتني اللي رضعتي
أنا عمري ما بعثك
لكن إنتني ليه بعثي
زرعتك ضله
زرعتيني شقي
طرح الشقي شوك
ف الارض ثبتتني
لا عرفت اطيير ف السما
ولا ف الأرض
لقيت رسمي
أنا رسمي مش واحد

أنا رسمي دا كتير
والبذرة اللي طرحت صورتني
كان ريها م البير
يعني من جوفك
طول عمري اخاف علي خوفك
والعن كل حسادك
أنا مربوط بأمجادك
لكن ليه بتفرقي ولادك
وتكسري براويز
وتقسمي السكك دها ليز
أتوه فيها
وتوه معا يا كلمة أه
أنا عايش ف ملك الله
ما اقدرش غير اني أعاتبك
ما تزليش مني
ولا تا خدي علي خاطرك
أنا ابنك

إِبْط يا عم

إِبْط

ياللي مش لاقى الرغبة

هينورك الرصيف

الحق خد لك صورة معاه

وانت بتضحك وتقول الله

أوعي تكشر

ولا تزمجر

ولا تطلع مرة الأه

تبقي عدوي وابن عدوي

وانت زعيم الفرقة إياه

إِسْمُكَ إِيَّاهُ ؟!

إِسْمُكَ إِيَّاهُ ؟!

مَا لَوْشَ لَزُومٍ

تَسْكُتُ أَوْ تَقُولُ

تَقْعُدُ أَوْ تَقُومُ

مَا لَوْشَ لَزُومٍ

لَا أَنْتَ هَتَفُوقٍ

وَلَا هَتَغِيرُ شَيْءٍ مِنَ الصَّنْدُوقِ

وَلَا رَاحَ تَبْقَى مِ الْبَهْوَاتِ

أَنْتَ مَوْلُودٌ مَعَ الْأَمْوَاتِ

تَكْتُبُ عِ الْوَرَقِ إِسْمُكَ

وَتَرْوِقُ قَوِي رِسْمُكَ

وَتَبْقَى صُورَةُ فِ بَرْوَاذِ

تَحْطُ إِزَازِ

يَعْمَلُ لَهَا مَنْظَرَ

وَتَتَمَنَّى عَلَيِ النَّاسِ

وَجِوَاكَ إِحْسَاسِ

بِأَنْكَ لَسَهُ مَعْلُومِ

مَعَ إِنَّكَ مِنَ الْأَمْوَاتِ

واحد من الحرافيش

واحد من الحرافيش

راح بمفيش

داست عليه الدنيا

ف ثانية

قالت روح ما تحيش

رغم إن الدنيا كتير بحالات

و اللي بيصبح فيه بيبات

عمره ما حس ف نفسه هنا

كانت اللقمة بتقسم جوعها معاها

وبتسقيه الهم كاسات

وام من ضيقته

طق وما ت

.....

الي صديقي الحرفوش الذي صعقه التيار الكهربى

الحلم لما يكبر

الحلم لما يكبر
يبقي عايز مكان
الحلم لما يكبر
يبقي عايز زمن
يبقي عايز الخطاوي
تسبق بعضها
يبقي عايز تمن
يبقى عايز تشق الليل
وتجيب النهار
وتشد حبل الشمس
قبل الشروق
وتفوق
من كل غفلة صحبتك
وتشوف سكتك
وحلمك فإيدك

لجل يوسف يجيلك
ويأوله
وتبدا من أوله
حتي لو مركب علي الأسفلت
بتعوم
قوم
إياك تطا طي
حلمك ينكسر
ويتحسر
ف اللي فات
والذكريات
تبقى حبة هموم
والحلم معدوم
حكمت باعدامه
لما جيت تمشي قدامه
كعبلته وياك
فضاع منك

الحلم

الحلم لو فكر يموت

يموت الكلام

و يموت السكوت

الحلم حياة

حتي لو من غير أمل

الحلم فكرة تدفع للعمل

وترسم خطوط بكره

الحلم لو مات

نبقى كلنا ذكرى

الدم

الدم غرق الهدوم
وترتش ع الحيطان
والعالم بضمير معدوم
بيلبس توب انسان
ويهدد بالعدل
الندل
ما هو واقف ع الناصية
وشايف كام شعب بيتهد
ولا شعرة بتتهز
ولا إيد تتمد
وعقوبة عمال علي بطل
وكأن الموضوع جد
بقي دا عالم معلوم
الدم غرق الهدوم

الزمن الطيب

الزمن الطيب موجود

مبممشيش ويعود

الزمن الطيب إحساس

ناس

بطبطب علي كتفك

ساعة الدمعة

ما تتسرب علي خدك

وتودك

ساعة ما تحس بخنقة

وتضيق الدنيا ف وشك

أهـ فيه ناس بتغشاك

لكن مش كل اللي ف وشك

وده شفته

وكيس الدم المتعلق

نازل يتسرب جوا يا

كام إيد واقفة معا يا

اللي يظبطلي المحلول
واللي يقول
ألف سلامة
نحمد الله
والكل با شوفهم أول مرة
لكن الإحساس بيقول
إني معاهم مولود
يعني الزمن الطيب موجود

الضل

لما شالوا الضل م الطريق
نزلت الشمس
تكوي ظهر اللي إنحني
والكل تاه ف المنحني
واللي فرد عوده إنكسر
لما إتحسر
ع العمر اللي فات
والكلمة عرفت طريق السكات
والأهات
صبحت لحن شايع
واللي بايع بايع
لما ضاع الحلم منه
وإتكسرت كل الأمان
نزلت تحت الرا حاية
ما شية ف السكة الغلط
لما اختلط

الهم با الفرح
واللي انجرح
عاش بجرحه
وسنينه طا لعة تجري
قطر مجري
ما لو ش محطة
و الهموم ع القلب حا طة
بتبد ل الحلم بكا بوس
يخلق يد وس
بس صوت الفجر يطلع
يترسب الضوء
الشمس ف الدنيا تطمع
بس مهما تطمع
لبد لحظة تميل
ما هو أصل ربك
خلقها للضل د ليل

الوردة فتحت

الوردة فتحت
وفرشت ف البراح
والحلم كان مرسوم
عشان ترتاح
وف لحظة الدنيا
ضيق البراح
وكلاب السكك
سدت حوا ريهها
والفرا عنة اتفرعنوا فيها
وقالوا مفيش موسي
يشق البحر بعصاه
وأمرنا ما حدش عصاه
الصمت طاعة
ومن غير لكاعة
ما حدش يتبع هواه
البلد بلدنا

وانتوه الرعاه
أخرتكوه لقمة
وشربة من أي ترعة
معدتكوه جا مدة
وتملي بالعة
فمش هتبقى فارقة
لو رحتوه واحد ورا واحد
أو حتي فرقة
عشان نقدر نعيش
عايزينها فارغة

أمي

سنين عدت يا أمي
بس بعدك
ما منعش انك جوه مني
أصلاك من يوم ما حملتي همي
ود مك هو دمي
سنين عدت يا أمي
ولسة صورتك
يوم ما شوفتك
قبل ماتفتح عيوني
لسه واضحة
جوه منهم
وسا معك
بتقولي سموه محمد
علي إسم جده
كنتي شايقة من سا عتها
إن صورتني هي صورته
يعني صورتك
والنهارده من يشوفني

يقول دا ابنك
وانتي أمي
سنين عدت يا أمي
ولسه فا كر
أول مابدأت أهم
كان طوفان الهم شايلك
ومشيلك ألف عمر جمب عمرك
من سا عتها وأمري مربوط بأ مرك
أكبر من إني ابنك
الليا لي كانت بتفوت علينا
الليلة بأ لف ليلة
والسنين كانت طويلة
وانتي صابرة
والد نيا قادرة
ودايسة فوقنا
و أما فوقنا
كان الضعف طايلك
وبيشكل ف رسمك
بس عمري ما شوفتك
إلا راضية
وكأن الرضا
نهر نابع جوه منك

صد قيني يا مه
أجمل شيء ورثته عنك
بيخفف عني همي
سنين عدت يا أمي
ولسه شايفك ف الليالي
مستنيا ني
وبتسأ لي إتاخرت ليه
وأما اجاوب تنزل دموعي
تمسحها وتبوسيني
وتمتمي بكره تفرج
وبكره كا ن بيحي
وأهي ما شية
مرة غامقة
ومرة فاتحة
مرة جوه شارع
ومرة جوه زنقة
وبتعدني
سنين عدت يا أمي
ولسه فاكر
يوم ما جيت أقولك
اسمعيني وقولي رأيك
قولتي سامعة ياللا قول

نويت يامة الجوا ز
روحتي وخداني ف حضنك
ونازلة من عنيكى دمعة
تغسل عذاب السنين
طب واخترت مين
قلت ..
قلتي شاطرة
ألف بركة
لجل أشيل لك عيالك قبل ما أمشي
تمشي تروحي فين
يا إبني الموت علينا حق
همه اللي قبل مني فين
سنين عدت يا أمي
ومهما أقول
فاكر وفاكر وفاكر
مش هتخلص الحكاية
إنتي جوه مني للنهاية

أول العمر

لما كان العمر لسه ف أوله
و الخطاوي تجس في نبض الطريق
كان ليا حلم
نفسى يكون ليا سند
كان نفسى يكون صديق
لكن بذور الشقي
الطارحة ف سكتي
دا يما بتسرق ضحكتي
ودوس ع الحلم
لو حب يشوف القمر
أو يصاحب يوم النجوم
وأنا ما اقدرش أعوم
والموجة عالية
والبحر مليا ن حيتا ن
وأنا عمري ما كنت حوت
أنا من صنف البسارية
لقمة سارية لأي حوت
والحلم مخنوق
مش قا در يفوت

بتحلم

بتحلم حلم
مش حلمك
وتدوس علي أرض
مش أرضك
بتحلم تكون صاحي
مع إن النوم ساكن عندك
شاييل همومك علي اكتافك
و محدش ف يوم شافك
و قال عنك
الكل بيحسدوك
ع اللي خا دوه منك
إ صرخ بقي
العمر عدي
ولسه بتد اري ف ضلك
بتضحك من كثر الالم
وتمسك قلم
تبعت ع الورق همك
ولا همك

يكون اسمك
يكون رسمك
يكون شخا بيط
ما إنت عشت العمر عبيط
ولا حدش ف يوم ذلك
العمر عدي
ولسه بتدا ري ف ضلك
ساعات ..
تقعد مع نفسك
تعيد شريط عمرك
يكر الفيلم قدامك
تشوف
مشهد
ورا مشهد
وتشهد
بأ نك سرسبت أيا مك
بعيد عنك
وعشت تد اري ف ضلك

بتقصد إيه ؟!

بتقصد إيه ؟

مانيش فاهم ؟

بقي لي سنين باقول علمني

وانت بتكلمني م العالي

كلام مكسور من الأطراف

وأنا خواف

أخاف أقول كلمة

تكون ناقصة

و الدنيا مش ناقصة

الشارع دخل ف الحارة.

والحارة فيها 100 كداب

الكل نازل يفتي

وأنا مستكفي

بكلمتين حلوين

أقضي معاهم السهرة

ونتبادل الود

وأقرا الورد

وأسلم نفسي للاحلام
أزور مكة
أطوف الكعبة
وأرجم كمان إبليس
أنا حلمي خالي م الكوا بيس
لكن بيزعجني
كترة الأبا ليس
علي المسرح وف الكوا ليس
وجمهور بيسقف
يشوف مشهد
ورا مشهد
ويشهد
إن الملائكة خدامه
وأدامه الكسر في البراويز
حاجة بجد تغيط
ومش فاهم
ولا بأعلم
فعلمني
يمكن ف يوم أفهم

تايه بين بين

متفرقة أشلاءك

ف السكك

مع إنك واقف

بكامل هيئتاك

لكن جواك صراع

بيشتنتك

يرفعك لسابع سما

وسابع أرض ينزلك

تتوه بين أخرك

وبين أولك

توب ستر

لفيني توب ستر
لفيني حنية
حلفتك با لنبي
طبطني مرة عليا
حبي ليكي مش نهنة
ولا كلمتين ملا غية
حبي ليكي
بذرة ف الأرض متعشقة
بالشقا مروية

.....

صحيي عمري مع ثورتك
عشت همك
وفرحت بنصرتك
لبست دمورك
واما جه نورك
قولتيلي مش قسمتك

حبلى الهوا

بنتعلق ف حبال الهوا
مع إن بذرتك فى الأرض ثابته
والطرح جواك خضار
يعنى بتعشق النهار
ليه بتشد حبلى الضلمة
وتدأرى ف حلمك
عن عيون الشمس
وتنسى بكره
وتفضل عايش الأمس
فوق بقى
سنين بتعدى
والقمر لسه واقف مطرحة
والزرع اللي زرعك
لسه الأرض بتطرحه
وانت واقف
تحلى ف تاريخك
واللى ربحك
كبروا ورحروا

فوق بقي
إنت فوقت لحظة
بنيت ف الأرض سد
فوق بقي
إبقي ابن جدك بجد

حلم مكسور

لما بات الحلم مكسور
صبح يمشي علي عكاز
وقال دا إنجاز
دخلت أنا البرواز
ما لقيتش إزاز يغطيني
أصل اللي باع طيني
هد الجدار
وأنا محتار
مش قادر أفرد دراعي وأقول
وباب الكلام مقفول
والسكوت ما شي يتنطع
أصل العويل
فارد دراعه بيتقطع
غطي المنزل
وع المطلع

حلمى القديم

يا كل معاني الأسي
لملمي خيوطك
كل اللي فات اتنسي
وحلمي القديم
راجع بيرسم خطوتي
راجع يشيل الهم من ضهري
ويند هلي
أعيش وياه
قبل العمر ما يهدي
ويقعد عندي
أشوفه جدع عا في
ومتعا في
وأقول للضحكة ما تخا في
دا الحلم دا حلمي
لكنه تاه واتبعثر
والنهارده راجع أخضر
يضلل علي أرضي

شا يل سنيني

وأنا شا يل سنيني
فوق كتنا في
سنة وقفت
قالا عوا في
كلمة منها
كلمة مني
قالا لي
سجل الإحساس يا خلي
اللي فرحك
واللي ألك
كله يبقو مكتوب بقلمك
أصل أجمل شيء
تسجيل المشاعر
يمكن يجي يوم
وتبقى شا عر

شد البساط

بتشد البساط من تحتي
وبتطرحي موت
يا تري دا ذنبي
ولا تمن السكوت
أنا يا ما قلت
بس الكلام جوه التا بوت
لا لاقى باب
ولا حد سا مع له صوت
فيا سكة الأغنيا
سبيني أعدي
أنا عمري ما كنت كوبري
ولا عبد لأي طا غوط

فيه شئ انكسر

فيه شيء جوا نا انكسر
أوعوا تبعثروه
لملموا حروف الوطن
وعلي ورق الشجر اكتبوه
اللغة بتلم
اللي انكسر
واللي خان الوطن
باع أمه وباع أبوه
إزرعوا الحب ف السكة
لجل بكره تحصد وه

صدر الهموم

تدوس علي صدر الهموم

وتقوم

تفرد خطوتك

لكن الشوك ف الأرض يكعبلك

ترجع من أولك

تخش جواك

تدوس علي نفسك

تبعتر حروف اسمك

تشوف رسمك

تلقي صورة مشخبطة

ف زمن القهر

كل حاجة ملخبطة

فمتزوقش الكلام

وتداري بين الحروف

فتح عنيك وشوف

شوف الحلم اللي ضاع منك

لما سبت نفسك

للموج يرفعك

وسابع أرض ينزلك

كل خطوة ترجع من أولك

ضحكة من غير دسم

لو قا بليت مرة ف سكتك
ضحكة منزوعة الدسم
ومن غير عشم
وبكلمتين وحبطة طبطبة
تلبسك
سا عتها
تحس الغربة جواك
وبراك
حاجات كتير متلخبطة
مفيش حاجة مظبطة
حتي الكلمة اللي كانت بتريحك
دلوقت بتجرحك
وتأخذ مطرحك
وتسيب الجرح موجوع
فتحس بالجوع
الضحكة اللي كانت بتشبعك
دلوقت منزوعة الدسم

ع الرصيف

ع الرصيف مرمية أوجاع الناس
و الإحساس
متسرب ع الأسفلت
والزحمة
بتدوس علي أياه رحمة
بتنتب حتي ولو علي جمب
والصورة الواضحة ف الكادر
كوكتيل م الناس
متثبت ف الشارع
والبارع يقدر بس يفوت
والهلفت
راكب عربية من نوع نادر
وأنا مش قادر
أفرد خطواتي
والناس أغلبها مطاطي
مش قاذرة تواجه الشمس
والأمس دايس علي حلمي

وأنا حلمي دائما يتا خر
ويقف ف الآخر
ف طا بور الاحلام
والأيام
بتاخذ مبتديش
وأنا نفسي أعيش
زي بقيت الخلق أعيش

عدى الخريف

عدي الخريف
قلع هدوم الشجر
عدي الربيع
خضر قلوب العباد
الكل جه ف الميعاد
يا بخت من صبر
مديت إيديا بالسلام
اتمدت ألف ايد با لطبطبة
الكلمة بتلف البلاد
تصلح اللي انكسر
واللي إنحسر
جوه الهموم
يرجع يقوم

مركبي

ومركبي عا يمة ع الأسلفت
والموجة عا لية
نزل مجدافي ف مطب
إ ننتي كام تا نية
كملت بيه مكسور
عد يت متين سور
ولسه مش شايف البر
ياللي انت عو يل
ليه بتتغر
أقولك دي سكتي
مصمم تشرقني
أو تغربني
وأيا مي بتتسرسب
وأنا اللي بيسرقني

مش قادر

مش قادر أتكلم
ولا قادر أسلم للسكات
أصل الحلم من يوم مامات
وهو بييجيني ف الأحلام
بيقول إنه هيطرح مع الأيام
ونكمل عمرنا إخوان

مش هتصالح

أنا مش هتصالح
أصل مفيش بيني وبينكوا مصالح
حتي العمر اللي زرعت
عمري ما لقيته ف يوم طارح
غير شقي وأنين
وسنين بتعدي وراها سنين
وأنا عايش ع الهامش
ومنفض إيدي
عايزين تاخدوا اللي ف جيبي
خدوه
ماهو فاضي
من أول ما أمي جا بتني
ولحد الأيام متعدي

مش هتقدر

مش هتقدر
تشيل الليل من طريقك
ولا تمسح الدمعة
من خد القمر
ولا ترسم البسمة
للنجوم الدبلانين
اصلك يوم ما اتولدت
مولود حزين
الهم جواك من سنين
بذرة طارحة ف أرض صالحة
من ألف جد لحد عندك
وأنت أرضك عاشقة الخضار
لوتقدر يوم تسعدك

من خمسين سنه

من خمسين سنه
كنت أنا
ف العشرينات
قالوا مات
نزلت دموعي نهر جاري
والأهات اتبعترت
ف الشوارع والحواري
أصله غالي
كانوا عايزيني
ابقي ابن عز
وقاهرة المعز
طرحت بشر
ابليس ما قدرش يتحشر
ولا يزرع بينا ضلالي
أصل البطل
رغم إنه انكسر
كان رصيده عالي
وإسألوا المدارس
والمصانع
وإسألوا سد عالي

مهمش

مهمش ضايح متعوس علي عينه
ف الأرض جزوره
وفروعه بتتبعتر حوا لينه
وتشخبط ف الصورة
المرسومة ف البرواز
والأرض كسر ازاز
بيخلي الخطوة بدم
والهم
الراكب علي كتفه
من أول اسمه
لغاية إسم الجد
ماهو أصل الشقي بيمد
ويكعبل في الحلم
الساكن جواه
حتي لو كان
موصول بالإسم
ماهو أصله مهمش

والتهميش
زي وباء بيعيش
وسط الفقرا
والناس التانية
بتعيش دايماع الانقاص
وبتحكم وبتحكم
ف خلق الله
والأه لو طلعت من كتر الهم
مليون تهمة تهم
تخفق وتذم
فيحب يعيش
مداري ورا الشيش
ولا حدش من الناس عارفينه
مهمش ضايع متعوس علي عينه

موكب النور

كل ربيع ف الدنيا يعدي
الا ربيعك جوه ف قلبي
زارع الحكمة و الإحساس
طارح الحب لكل الناس
إنت هدية ربي
إنت اللي واخذ ايدي
صلي الله عليك يا سيدي

.....

لما هل ع الدنيا فجرك
كل الكون طلع يقا بلك
العبادو الجما د
حتي اللي عاشوا ف العنا د
كانوا ف موكب سيادتك
كل الخير معاك هبيجي
صلي الله عليك يا سيدي

.....

موكب النور بيلف بالبشري
تخمد النار ويصدع إيوان كسري
واللي تبت يدها يشعر بالمسرة
من فرحته يطلق جريته حرة
وتقول النهارده يوم عيدي
صلي الله عليك يا سيدي

ميزان العدل

الناس بتجري وتتكفي
فاكرين هتزيد الكفة
لكن ربك وفا
والفرق ف شكل الكفة
إن رفعت ف شما لك حبة
تنزل ف يمينك حبة
يعني ميزا نتك طبة
تجري وتدوس علي غيرك
وتغالط نفسك
وتبيع ف ضميرك
وتحوط صورتك بالنور
مع إن البرواز مكسور
ورصيدك
مش هيزيد ولا حبة
يعني ميزا نتك طبة

ناس وناس

فيه ناس بتصلي
ومتصليش
بتخش المسجد
للهمي وا لتنتيش
و إن جيت تكلم
تتمسكن
وتمثل دور الد راويش
أحسن لك
إبعد عنهم لجل تعيش

نقطة من أول السطر

نقطة من أول السطر
وكام كلمة متبعترين علي صفحة
و ضحكة هربانة
باتداري ورا سور من الهم
و صورة مش واضحة
وناس تايهة
بس مش قادرة تتلم
فهمني يا عم
لا متي راح تفضل الحالة
ويهون علينا الدم
و التهمة لبسانا
الكل بيخون الكل
و اللي يحمل يشيل
و الحمل يوم عن يوم يتقل
وإن حد جه يسال
السؤال يترد له ألف سؤال
والساقية دايرة عمال علي بطال
وكل شئ بيدور

والنافع الاكتاف مكسور
والمية مش طالعة
والزرعة مش طارحة والأرض بتبور
والضلمة بتكسر جناح النور
وأنا لسة وأقف أحلم
والحلم مش عزبة ولا يبقى عندي قصور
الحلم علي قدي
بأحلم أكون مستور

وضع ثابت

ساعات تدوس ع السكات
تطرح كلام بلون الوقت
لا يهز لك عود
ولا تغير الصورة
وتفضل خطوتك محصورة
وكانك من الأموات
تدق الارض من تحتك
تشتكي منك
وتنزل كأنها بير
تفرد دراعاتك
تحب تطير
تلاقي الفضا مخنوق
وانت مزنوق
ف وضع ثبات

وطن حر

حبة هموم حطت
علي كتفي ريحت
أخذت راحتها وبجحت
بكلام كثير ما يهيمنيش
وأنا نفسي اعيش
بس الطريق مليا ن حفر
البشر مش نفس البشر
الكل واخذ ف وشه
و فارد خطوته
مع إن السكة مش سكته
والهموم ع الكتف طارحة
والطرح كسوة
لابسة الناس ومعشقة
والكل مخنوق ف الشرنقة
بالوهم طاير ف السما

عائش ومش داري
بيداري نفسه عن نفسه
لو شاف رسمه
يسأل
مين ده ف الصورة ؟
اصل البراويز مكسورة
ومحشورة
ف خندق شر
بيوزع التهم بالتورة
ولا حد عائش حر
يازمن العجب
ما تعد ي بقي وتمر
صوت الأذان بيسمع
وبيجمع
لوكان الوطن حر

ومضة (1)

ولقيت حنة
من حلم قديم
تكون بذرة لحم جديد
يطرح بكره
و يمد لي الايد

ومضة (2)

ولقيت حنة
من حلم قديم
تكون بذرة لحم جديد
يطرح بكره
و يمد لي الايد

ومضة (3)

يا مبعتراني شقا
وأنا محتاج لحنية
ما كفاية عذاب بقي
وطبطبي شوية
هو أنا زعلتك
ولا حد مسلطك عليا

محتوى الكتاب

2.....	بطاقة الكتاب
3.....	شكر خاص
4.....	الإهداء
5.....	تقديم ديوان واحد من الحرافيش
10.....	البذرة الطيبة
12.....	اقرأوا سورة الإسراء
14.....	البشر
15.....	الجرس ضرب
17.....	الساقية بتدور
18.....	بحبك يا وطن
19.....	دمعة وطن
21.....	زعلانة ليه ؟!
22.....	بتشقى الليل
23.....	بيلومونى
24.....	ساعات
26.....	أقص شعرى
27.....	الدرأويش
28.....	النبت الأخضر
29.....	براويز الألم

- 30.....أرض الطيبين.
- 31.....أنا إبنك
- 33.....إبسط يا عم.
- 34.....إسمك إيه؟!!
- 35.....واحد من الحرافيش.
- 36.....الحلم لما يكبر.
- 38.....الحلم.
- 39.....الدم.
- 40.....الزمن الطيب.
- 42.....الضل.
- 44.....الوردة فتحت.
- 46.....أمى.
- 50.....أول العمر.
- 51.....بتحلم.
- 53.....بتقصد إيه؟!!
- 55.....تايه بين بين.
- 56.....توب ستر.
- 57.....حبل الهوا.
- 59.....حلم مكسور.

- 60..... حلمى القديم
- 61..... شا يل سنينى
- 62..... شد البساط
- 63..... فيه شئ انكسر
- 64..... صدر الهموم
- 65..... ضحكة من غير دسم
- 66..... ع الرصيف
- 68..... عدى الخريف
- 69..... مركبى
- 70..... مش قادر
- 71..... مش هتصالح
- 72..... مش هتقدر
- 73..... من خمسين سنه
- 74..... مهمش
- 76..... موكب النور
- 78..... ميزان العدل
- 79..... ناس وناس
- 80..... نقطة من أول السطر
- 82..... وضع ثابت
- 83..... وطن حر

85.....	ومضة (1)
86.....	ومضة (2)
87.....	ومضة (3)
88.....	محتوى الكتاب